

मार्निंग डोगरी न्यूज़ बुलेटिन, सभें. 09-20 Hrs

<><><><><><>

Headlines

- जम्मू कश्मीर विधानसभा दे दुए गेड़ दे चुनां लेई प्रचार अज्ज संजा मुक्की जाग।
- बक्ख-बक्ख सियासी पार्टिं दे बड़डे बड़डे नेता ते स्टार प्रचारक चुनां रैलियां ते रोड शो करियै मते शा मते मतदाताएं गी अपने हक्कै च करने दी कोश्ट करा'रदे न।
- कांग्रेस दे वरिष्ठ नेता राहुल गांधी अज्ज श्रीनगर ते सुरनकोट च चुनां रैलिं गी संबोधत करगंन। प्रधानमंत्री नरेन्द्र मोदी 28 सितम्बर गी जम्मू च इक रैली करगंन।
- खीरी डोगरा शासक महाराजा हरि सिंह हुंदी जनम जयंति अज्ज मते जोश ते उत्साह कन्नै मनाई जा'रदी ऐ।
- रक्षामंत्री राजनाथ सिंह होरें आखेआ ऐ जे जम्मू कश्मीर च लोकसभा गी फलदे फुल्लदे दिक्खियै पाकिस्तान दे टिड्डै च पीड़ होआ करदी ऐ।

<><><><><><>

J&K-Campaign

जम्मू कश्मीर विधानसभा चुनां दे बाकी रौहदे दऊं गेड़ें दे चुनां लेई प्रचार अभियान होर तेज होई गेआ ऐ। बक्ख-बक्ख सियासी पार्टिं दे बड़डे बड़डे लीडर ते स्टार प्रचारक चुनां रैलियां करियै मते शा मते मतदाताएं गी अपने पक्खै च करने लेई पूरी टिल्ल ला करदे न ते आए दिन चुनां रैलियां, रोड शो ते लोकें कन्नै मिलियै गल्लबात आले गेड़ लगा करदे न। जम्मू कश्मीर विधानसभा चुनां दे दुए गेड़ दे चुनां लेई प्रचार अज्ज संजा मुक्की जाग। इस गेड़ तैहत केन्द्र शासत प्रदेश दे 5 जिलें च फैली दिएं कुल 26 विधानसभा सीटें लेई अत्तरू बुधवारें 25 सितम्बर गी वोट पोआए जांगन। इनें जिले च जम्मू कश्मीर दे हरयासी, राजौरी ते पुंछ जिले ते कश्मीर घाटी दे बडगाम ते श्रीनगर जिले शामिल न। जम्मू कश्मीर विधानसभा दे चुनां कुल त्रै गेड़ें च कराए जा'रदे न, पैहले गेड़ तैह 18 सितम्बर गी वोट पोआए गे हे ते खीरी ते त्रीए गेड़ तैहत पैहली अक्तूबर गी वोट पोआए जांगन। वोटें दी गिनतरी 8 अक्तूबर गी कीती जाग।

<><><><><><>

Rahul J&K

लोकसभा च बरोधी घडें दे नेता ते कांग्रेस पार्टी दे साबका प्रधान राहुल गांधी होर अज्ज पुंछ जिले दे सुरनकोट कस्बे ते श्रीनगर च जनसभा करगंन। हासल जानकारी मूजब गांधी होर दिने तकरीबन साढ़े 11 बजे सुरनकोट च कांग्रेस ते नैशनल कांफ्रेंस दे सांझे मेदवार शानवाज चौधरी हुंदे हक्कै च इक जनसभा गी संबोधत करगंन। एह्दे परैत ओह् श्रीनगर शैहरा दे सेंट्रल शॉलटेंग च प्रदेश कांग्रेस दे प्रधान तारिक हमीद कर्रा हुंदे हक्कै च इक होर रैली गी संबोधत करगंन। एह्दे परैत संजा'लै ओह् दिल्ली परतोई जांगन। एह्दे शा पैहले राहुल होर बनिहाल हल्के दे संगलदान ते अनंतनाग दी डुरू थाहर दऊं रैलियां करी चुके दे न।

<><><><><><><>

PM Modi

प्रधानमंत्री नरेन्द्र मोदी होरें 29 सितम्बर गी जम्मू च इक चुनां रैली गी संबोधत करगंन। एह् सांझी रैली बीजेपी दे जम्मू, सांबा ते कठुआ जिले दे 20 मेदवारें दे हक्कै च होग जेह्ड़े जम्मू कश्मीर विधानसभा चुनां दे त्रीए ते खीरले गेड़ी च होने आले चुनां लेई मदान च न। एह्दे शा पैहले प्रधानमंत्री होर डोडा, श्रीनगर, कटड़ा च चुनां रैलिएं गी संबोधत करी चुके दे न ते एह् इनें चुनाएं च उंदी चौथी रैली होग।

<><><><><><><>

Gorror Polling Stations

किश्तवाड़ दे डिप्टी कमीशनर जेह्छे जे जिला चुनां अफसर बी हैन, होर कल 5 घंटे दे आनजान दा सफर तैह् करियै जिले दे 48 नंबर इन्द्रवाल विधानसभा हल्के दे बोजवाह इलाके च पाँदे 146 नंबर गौरो मतदान केन्द्र पुज्जे जित्थें जम्मू कश्मीर विधानसभा चुनां दे मतदान दर्ज कीता गोआ। इस दौरे दा मकसद लोकें दे वोट पाने दे जज्बे दी सराहना करना ते होरने लोकें लेई इस मसाल गी उजागर करदे होई उनेंगी बी चुनाएं दे अगले गेड़ें दरान वोट जरूर पाने लेई प्रेरत करना हा। ध्यानजोग ऐ जे 8 ज्हार फुट दी उंचाई पर स्थित इस मतदान केन्द्र तगर पुज्जने लेई खड़ी चढाई चढियै जाने पाँदा ऐ ते जिसी एह्दी कठन भगोलिक स्थिति दे साब्बै पी-टू ते पी प्लस वन ट्रांसपार्ट प्लान श्रेणी च रखेआ गेदा ऐ। 18 सितम्बर गी होए दे पैहले गेड़ दे चुनां च उत्थें योग्य सारे मतदाताएं वोट पाने दे अपने अधिकार दा इस्तेमाल कीता हा। जिला चुनां अफसर होरें गौरो दे मतदाताएं कन्नै गल्लबात कीती ते लोकवंश दे इस सबबने शा बड्डे ध्यार दा हिस्सा बनने लेई उंदी सराहना कीती। इस मौके मतदान केन्द्र दे बी एलओएं ते मतदाताएं गी फुल्ल भेंट करियै सम्मानित बी कीता गोआ।

<><><><><><><>

Lumberdar Violation

उड़ी विधानसभा हल्के च चुनां प्रक्रिया दी मर्यादा गी बनाई रखदे होई बोनियार दे तैहसीलदार नै आदर्श अचार संहिता दी खलाफवर्जी करने पर पैहलीपोरा दे लम्बड़दार उबैद अहमद खान गी ओहदी ड्यूटी परा हटाई दित्ता ऐ। एह कारवाई उनें शकैतें दी तस्दीक होने दे बाद कीती गई जिंदे च आखेआ गेआ हा जे ओ इक विशेष सियासी पार्टी दे चुनां अभियानें च हिस्सा लै करदा ऐ जेहड़ी जे आदर्श अचार संहिता दी सरासर खलाफवर्जी ऐ। ध्यानजोग ऐ जे आदर्श अचार संहिता गी इस करियै लागू कीता जंदा ऐ तां जे चुनां पूरी चाल्ली साफ सुथरे, सुतंत्र, निरपक्ख ते बिजन कुसै गड़बड़ी दे करोआना जकीनी बनी सकै ते अचार संहिता दी खलाफवर्जी करने आले कुसै बी व्यक्ति जां संगठन खलाफ सख्त कारवाई कीती जंदी ऐ ते प्रशासन एहदी पूरी संजीदगी कन्नै पालमा जकीनी बनाने लेई हर बेल्ले मुस्तैद रौहदा ऐ।

<><><><><><>

World Peace Day

रमानदारी गी बढ़ावा देने ते समुदायें बश्कार रिश्ते गी पक्का करने लेई फौज आस्सेआ विश्व शांति दिवस मनाया गेआ जेहदे तैहत रियासी, राजौरी ते पुंछ जिलें च जानकारी ते जागरूकता आले लैक्वरें दी श्रृंखला दा आयोजन कीता गेआ। इनें कार्यक्रमें च मकामी नेताए, विद्याथ्रिएं ते समुदायें दे सदस्यें बधी-चढ़ियै हिस्सा लैता। माहिर वक्ताएं विकास ते स्थिरता गी बढ़ावा देने च रमानदारी दी भूमका पर चर्चा कीती ते इब्बी दस्सेआ जे इस भेठा फौज कियां अपनी जिम्मेदारी नभाह करदी ऐ। मकामी लोकें इस पैहलकदमी लेई फौज दा आगार जताया।

<><><><><><>

Maharaja Hari Singh

पैहलकी जम्मू कश्मीर रिआसत दे खीरी डोगरा हुक्मरान सुरगवासी महाराजा हरि सिंह हुंदी अज्ज 130मीं जयंति मनाई जा'रदी ऐ। इस सरबंधै च युवा राजपूत सभा नै गीत-संगीत आले इक बड़डे कार्यक्रम दा आयोजन कीता ते तवी पुलै कश्स महाराजा हरि सिंह हुंदी प्रतिमा आली थाहर डोगरा कलाकारें गर सम्मानत कीता। एह जश्न अज्ज पूरा दिन चलोग की जे ब'रे 2022 थमां गै इस ध्याड़े पर छुट्टी दा ऐलान करी दित्ता गेदा ऐ। महाराजा हुंदा जीम 23 सितम्बर सन् 1895 गी अमर सिंह हुंदे घर होआ हा। 1947 च भारत दी आजादी दे बाद जिसलै पाकिस्तानी बलें ते कबाइलिएं पास्सेआ रिआसत पर हमला कीता गेआ हा तां महाराजा होरें रिआसत दा विलय भारत कन्नै करियै पाकिस्तानी बलें खलाफ भारती बलें दी मदाद लैती ही। हरि सिंह होर 1952 तगर इत्थु दे महाराजा रेह।

सिंह होरें अपने खीरी दिन बामबे च बुजारे ते उंदा काल 26 अपैल 1961 गी होआ। महाराजा हरि सिंह होर दऊं रेडियो स्टेशनं दे संस्थापक बी रेह जिंदे च पैहली दिसम्बर 1947 गी जम्मू ते पैहली जुलाई 1948 गी श्रीनगर रेडियो स्टेशन शामिल न। रेडियो कश्मीर जम्मू जिसी अज्ज आकाशवाणी जम्मू आखेआ जंदा ऐ, पर महाराजा हरि सिंह होरें पैहले ओपचारिक भाषण च लोकें गी पाकिस्तानी घुपैठिएं खलाफ इकजुट रौहने लेई आखेआ हा। उपराज्यपाल मनोज सिंह होरें महाराजा हरि सिंह हुंदी जंयति पर उनें गी श्रद्धांजलि अर्पित कीती ऐ। सोशल मीडियो दी इक पोस्ट राएं उपराज्यपाल होरें आखेआ जे लोकें दी भलाई लेई बरोबरी पर आधारित समाज दे निर्माण लेई महाराजा हुंदी वचनबद्धता बेजोड़ ही। उपराज्यपाल होरें आखेआ जे उंदे बचार सदा सादा मार्गदर्शन करदे रौंहगन।

<><><><><><>

Rajanth Singh

रक्षा मंत्री राजनाथ सिंह जेहड़े इनें दिनें जम्मू च बीजेपी दे मेदवारें लेई चुनां प्रचार करा करदे न, होरें जम्मू कश्मीर दे लोकें दी पैहले गेड़ तैहत बधी-चढ़ियै मतदान करने लेई सराहना कीती। उनें आखेआ जे जम्मू कश्मीर च लोकतंत्र दी मजूदगी ते लोकें दे भारतीय संविधान च गैहरे भरोसे गी दिक्खियै साढ़े गोआंढी पाकिस्तान गी टिड्डै च पीड़ होआ करदी ऐ। उनें आखेआ जे दफा 370 हटने दे बाद जम्मू कश्मीर च लोकतंत्र दियां जड़ां होर मजबूत होइयां न ते एह तेजिया कन्नै फुल्ले-फले करदा ऐ। उनें दोष लाया जे नैशनल कांफ्रेंस, कांग्रेस ते पीडीपी अपने घोषणा पत्रें च दफा 370 गी परतियै ब्हाल करने बारे गल्ल करियै जम्मू कश्मीर दे लोकें गी गुमराह करा करदे न। उनें आखेआ जे इनें पार्टिएं गी पाकिस्तान दी बोली बोलना बंद करना लोड़चदा। बीजेपी नेता नै अगगे आखेआ जेकर जम्मू कश्मीर च उंदी सरकार बनदी ऐ तां जम्मू कश्मीर गी देश दा सबबने शा विकसित क्षेत्र बनाया जाग।

<><><><><><>

Expenditure Observe

बुद्धल ते थन्नामंडी विधानसभा हल्के लेई खर्चे-अखराजाते पर तक्क रखने लेई निगरान सिद्धार्थ कुमार होरें कल इनें दऊं हल्के च चुनां लड़े करदे मेदवारें आस्सेआ कीते जा'रदे चुनां खर्चे दा त्रीया मूलांकन कीता। उनें मेदवारें आस्सेआ चुनां अखराजाते बारे जमा कराए गेदे दस्तोवजें दी जांच परख कीती जे क्या एह खर्चे तैह नियतें ते हदें अंदर गै कीते गेदे न।

जांच दरान मुख्ख तौर पर ध्यान रिकार्डें दी सटीकता, वैद्यता ते पादर्शता पर दित्ता गेआ। इस मौके उनें आखेआ जे चुनां च खर्चे दा साफ सुथरा रिकार्ड होना बड़ा जरूरी ऐ। इस जांच दा मकसद इस गल्लै गी जकीनी बनाना हा जे मेदवार नियमें मूजब अपने चुनां खर्चे करा करदे न।

<><><><><><>

SVEEP

स्वीप तैह्त्त कल ठाकराकोट ब्लाक दी चिन्काह पंचैत च “नारी शक्ति चौपाल” दा सरिस्ता कीता गेआ जेह्दा मकसद महिला मतदाताएं गी वोट पाने दे अधिकार दा इंतजाम जरूर करने लेई प्रेरत करना हा। इस दरान उनें गी समझाया गेआ जे महिलां जेड़ियां साढ़े समाज दा लगभग 50 प्रतिशत हिस्सा न, उंदा वोट बी इक लोकतांत्रिक सरकार बनाने च किन्ना महत्व रखदा ऐ। नारी शक्ति चौपाल च आपस सहायता समूह, आंगनवाड़ी वर्कर ते पैह्ली बारी वोट पाने जा’रदिएं महिला मतदाताएं हिस्सा लैता। स्वीप तैह् इस्सै चाल्ली दा जागरूकता कार्यक्रम पत्नीटॉप च बी कराया गेआ जेह्दे च लोकें गी गीत संगीत, नाच ते नुक्कछ नाटकें दी मदद कन्नै मतदान जरूर करने लेइ प्रेरत कीता गेआ

<><><><><><>